



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Acta Synodalia Osnabrvgensis Ecclesiæ, Ab Anno Christi
MDCXXVIII.**

Brogberen, Johannes

Coloniæ Agrippinæ, 1657

Docendus quoque, cur hoc Sacramentum sub specie panis & vini
institutum sit. 23

urn:nbn:de:hbz:466:1-14298

C A P . X X I I . *Quorum admoneri populus, hoc Sacramentum participaturus, maxime debeat.*

*August. c.
timorem
de confis.
diff. 2.
Matt. 26.* **O**MNIUM autem maxime instruendus est populus, ut recta fide accedat, sermoni Domini firmiter credens, quo nos edocet Christus, dicens: Hoc est Corpus meum, quod pro vobis tradetur; Hoc facite in meam commemorationem. Quibus verbis & veritatem sui corporis adstruit, & creditibus, dignaque fuscipientibus, remissionem peccatorum promittit; jubens, ut hoc faciamus in suam commemorationem. Porro, anima, que fidem habet, & ejusmodi Christi verbis credit, in memoriam Christi Sacramentum edit, quem secum recognoscit, quemadmodum unigenitus Filius Dei, ob perditum hominem Deo Patri reconciliandum, & delendum quod contra nos scriptum erat chirographum, de celo descendenter, semetipsum exinanivit ac humiliaverit, factus obediens Patri usque ad mortem, mortem autem Crucis. In quo maxima erga nos Dei caritas commendatur, qui unico Filio suo non pepercit, sed pro omnibus nobis à peccati & satanae vinculis redimendis tradidit illum. Talem ergo fidem & affectum, Deo fuggente, præparare debet in animo suo is, qui Eucharistiam percipit.

C A P . X X I I I . *Docendus quoque cur hoc Sacramentum sub specie panis & vini institutum sit.*

*August. in
sermone
de dedica-
tione Ec-
clesiae.* **N**EQUE interim negligendum, sed perpetuo inculcandum erit, hoc Sacramentum Corporis & Sanguinis Dominici, sub specie panis & vini institutum esse, ut, præter veritatem Corporis & Sanguinis, quæ in eo continetur & recipitur, quoddam etiam extimum signum nativæ dilectionis & charitatis excitandæ in nobis foret; quemadmodum divisus Paulus inquit: Quoniam unus Panis & unus Corpus multi sumus, qui de uno Pane & de uno Calice participamus. Quamobrem ab hujus convivii spirituali participatione longe absunt, qui invidiæ vel odii veneno infecti aut iracundiæ furore repleti fuerint. Monendi itaque sunt qui communicare desiderant, ut, deposita omni similitate, diligent alterutrum, uti unius corporis membra, ut non sit schisma in corpore, sed in id ipsum pro invicem sollicita sint membra.

C A P . X X I V . *Quomodo singulis Dominicis diebus plebs ad audiendam Missam se præparabit.*

*c. hoc
attenden-* **D**OCENDUS quoque populus, ut, qui juxta antiquum Ecclesiae ritum, singulis Do-

minicis diebus ad communicandum Corpori & Sanguini Dominico non se præparat, Missæ faltem Parochiali, hisce aliisque festis diebus, interfit; ut, tametsi inter sacrificantem & afflentes non sit (more illo antiquo) tam frequens Sacramentalis communio, sit faltem sacræ doctrinæ, piæ exhortationis, preicationis, laudis, & gratiarum actionis communio; ut sic quodammodo omnes spiritualiter communicent, cum desiderio etiam sacramentaliter communicandi. Ne vero populus ab hac Missa Parochiali, & ab auditione verbi Dei distractatur; placuerit Nobis, ut, si que sint aliae Missæ legendæ die Dominicæ, haec inchoentur primum post verbi prædicationem finitam; quemadmodum latius in visitatione secundum diversorum locorum mores ordinare studebimus.

C A P . X X V . *Docendus populus generatim, quid agatur in Missa.*

DOCENDUS populus generatim, quid agatur in Missa, & quibus partibus confert. Constat siquidem psalmodia, quem vocamus Introitum, invocatione & gloriofa celebrazione sanctissimæ Trinitatis, quæ in Canticis, *Kyrie eleison, & Gloria in excelsis Deo*, peraguntur; preicatione seu collecta, recitatione verborum Propheticorum aut Apostolicorum, quam vocamus Epistolam; sacris Canticis, quæ vocamus Gradualia & Alleluia, & quæ sequuntur, lectione Euangelica, Symboli recitatione, seu professione fidei Catholicæ; Canticò, quod non sine mysterio Offertorium appellatum est; Gratiarum actione, quæ dicta est Præfatio, religiosa commemoratione mortis, consecrationeque Corporis & Sanguinis Dominici, quæ fit in Canone; rursus preicatione, inter quas est precatio Dominicæ: sequitur osculum pacis, Symbolum Christianæ charitatis; mox communio; rursus sacram Canticum, quod Commune appellatur, & Precatio. Postremo loco, Sacerdos totum populum, velut in suam tutelam receptum, Deo benedictione tradit atque commendat, ut perseveret in affectu pietatis mutuaque charitate. quorum quum admonetur populus, incipiet, nedum credere, sed & sentire, quod in Missa nihil non sit pium ac venerandum.

C A P . X X VI . *Corripiendus abusus eorum, qui ante finitam Missam irreverenter discedunt.*

CORRIPIENDUS verò abusus est, quod quidam post adspersam aquam & ante Missæ introitum, exitum faciunt; quidam, post auditum & non intellectum Euangelium, abeunt; aliique, posteaquam Sacerdos dixit, *Seruum corda, & Gratias agamus*. Atqui tunc

O præ-

*dum, de
conf. diff.*
§.
*Ex Conc.
Carth. c.
sacer. de
conf. diff.*
I.